

Wakem tax return

Gaed fo PALM scheme wakaman long Australia



Staka wakaples long Australia nid fo wakem nao tax return fo lukim aotstanding tax peiments o refands kaonim long olketa, fo evri finansol ia wea olketa waka long Australia.

Iu no nid fo wakem tax return sapos iu wanfala short-term wakaman lo nara kaontri waka anda long PALM scheme an evri selen iu enim hem from waka blong iu long PALM scheme.

Australian finansol ia taem blong hem 12 manis from 1 July kasem 30 June.

No eni promes dat iu bae risivim ofisol rekwest fo komplitim tax return – bata diswan hem no minim tax return bae no nidim.

Disfala factsheets explainim wae an hao nao fo komplitim tax return an hem aim fo sapotim iu fo iu seleva mitim tax obligasons blong iu.

Wanem nao tax return?

Tax return: Tax return hem wanfala form iu filimap an putum long Australian Taxation Office (ATO) fo wakemaot korekt amaont long tax iu nid fo peim, o sapos eni refand olketa kaonim long iu.

Mi nidim tu fo wakem tax return?

Sapos iu waka anda long short-term PALM scheme iu bae olsem foreign residents (pipol lo nara kantri) fo tax. Iu bae no nid fo wakem tax return sapos evri selen iu enim hem from waka blong iu long PALM scheme wetem apruv wakaples.

Sapos iu waka anda long long-term PALM scheme iu bae olsem Australian residents fo tax.

Fo moa infomason, lukim nao [ATO webpage on the PALM Scheme](#).

Hao na hem waka?

Sapos iu waka, iu bae peim income tax long salari o wesis blong iu. Income tax olketa kolektim nao folom ia taem iu tekem pei.

Wakaples blong iu bae tekem aot tax from everi pei an sendem go long ATO on behaf long iu. Diswan oketa kolem long Pay As You Go (PAYG) withholding. Diswan olketa duim so dat iu no garem bik tax bill long end lo ia. Iu save lukim amaont long tax wakaples blong iu aotem insaet pei slip blong iu.

Taem faenansol ia hem end, ATO bae kalkuleitim total PAYG withholding amaont wea wakaples blong iu hem tekem aot from pei blong iu folom ia ya. Diswan nao bae meksave sapos iu bae getem tax refand o nid fo peim samfala moa tax.

Bae mi save tekem refand from ATO?

No eni promes dat iu bae risivim tax refund from ATO. Evribodi situason blong olketa hem difren, samfala pipol bae getem tax refand, samfala pipol bae garem bill fo peim selen go long ATO. No ting ting fo risivim tax refund.

Wea nao fo wakem tax return?

Getem help wetem rejistad tax ajent

Sapos iu laek fo tax ajent redim an putum in tax return blong iu, o fo provaedim iu wetem tax advaes, iu sud meksua oketa rejista wetem Tax Practitioners Board (TPB). Iu save chekem TPB Rejista lo [tpb.gov.au](#) fo meksua tax practitioner ya hem rejista.

Tax ajent o profesonols save chajim fee osem \$100 kasem \$200 fo komplitim an putum in tax return on bihaf long iu. Meksua iu ask fo praes an iu hapi wetem bifo iu gohet wetem tax return proses.


Wakem stret go long ATO - fri

Iu save duim diswan long [ATO Online](#), which you can link to your [MyGov account](#) Hem fri bata iu mas komplitim evriting seleva.

Iu save lodgim tu tax return long pepa fom.

Long eni wei iu chusim fo putum in tax return blong iu, rimemba iu nao risponsibol fo kleims iu mekem. Meksua didaksons blong iu hem trufala an iu inkludim everi inkam blong iu bifo iu o ajent blong iu putum in return blong iu.





Wakem tax return

Gaed fo PALM scheme wakaman long Australia

Hao long nao hem tekem fo wakem tax return blong mi?

Staka onlaen tax return olketa prosesim insaet lo **14 deis**. Sapos ATO nid fo proses tax return by-hand, plis givim aptu 30 kalenda deis.

Sapos iu lodgim tax return blong iu lo pepa, hem save tekem 50 bisnis deis fo prosesim.

Iu save chekem progress blong tax return blong iu iusim self-help opsons:

- ATO Onlaen long myGov
- Telefon sevis {13 28 65 an selektim opson 1 an den 1}.

Wanem nao mi nidim fo wakem tax return?

Onlaen income statements: Iu save faedim onlaen income statements wea hem aotlaenim ful amaont lo salary o wesis blong iu an amaont blong tax peim insaet long faenansol ia ya. 31 October. Wakaples blong iu bae provaedim diswan long iu, o iu save lukim long ATO onlaen long MyGov.

Wat taem nao fo wakem tax return

Wakem tax return blong iu afta income statement blong iu hemi **'tax ready'**. Staka wakaples garem until **14 Julae** fo duim diswan. Sapos iu wakem bifo hem 'tax ready', infomeson long wesis steitment save rong an bae hemi save kosim dileis lo tax return blong iu wea hem proses.

Sapos iu nid fo komplitim tax return iu mas wakem o engeij wetem tax ajent, bifo **31 Octoba**. Sapos iu wakem tax return blong iu leit, iu save faen.

Teknot: Chekem kontakt an bank diteils blong iu hem aptudet taem iu wakem tax return blong iu. Diswan helpem ATO fo notifaem iu an meksua tax refund blong iu hem kasem iu.

Medicare levi

Sapos iu wanfala Australian resident an enim ovam \$24,276 insaet long faenansol ia an no garem akses long Medicare anda long Family Accompaniment Pilot Program, iu nid fo komplitim wan Medicare Entitlement Statement. Iu no nid fo peim Medicare Levy sapos iu tekem Medicare Entitlement Statement an waef an/o pikinini (sapos eniwan) blong iu also garem Medicare Entitlement Statement. Iu save aplae fo Medicare Entitlement Statement tru long myGov o filimaot onlaen fom. Niu aplikason bae mas wakem evri ia.

Iu sud wait antil iu risivim Medicare Entitlement Statement blong iu bifo iu wakem tax return.

Steps fo wakem tax return blong iu.

STEP 1

Getem income statement blong iu. Diswan hem save stap long ATO onlaen long MyGov afta 14 Julae.

STEP 2

Sapos **iu wakem seleva onlae**, plis go long ATO onlaen long MyGov an folom olketa instraksions.

Sapos **iu wakem wetem third party** (rejista tax ajent).

- Faedem rejista tax ajent insaet lokol eria blong iu – iu save faedem wan taem luk long free TPB publik rejista.
- Waka ples blong iu save also abol fo talem kam wanfala tax ajent.
- Iu bukim appointment o go long ofis blong olketa. Iu bae nid fo provaedem olketa wetem income statement an/o risits.
- Meksua iu save gut dat iu bae save pei fee festaem. Samfala garem option fo tax practitioner fo tekem fee aot from tax refund blong iu.

STEP 3

ATO o tax ajent blong iu bae letem iu save sapos iu kaonim selen, o iu bae tekem tax refund. Teknot: sapos iu kaonim selen, iu bae nid fo kontaktim ATO fo wakem peiments. Refand blong iu save tekem aptu **5 bisnis deis** fo kasem bank akaont iu putum.

Iu still garem kwestens?

Sapos iu nidim samfala moa infomason:

- tok long nara wakaman o tim lida blong iu.
- tok long wakaples blong iu.
- tok long samwan long komuniti blong iufala e.g. long church o sportclub
- kolek PALM sapot sevis laen: 1800 51 51 31
- kolek olketa ATO's individuals helpelaen: 13 28 65
- visitim ATO webpeij: [Lodging your first tax return | Australian Taxation Office \(ato.gov.au\)](#)
- A TPB factsheet hem also stap [hia](#) wea hem listim samfala long olketa obligations blong iu.

